

جاڠن مانیرون
متن ويکيڤيديا

維

JANGAN MANÉRON MATAN WIKIPIDIA!

Panduan singkat gasan Pian
nang baminat lawan insiklupidia
panggalannya di dunia maya

Raymond Sutanto
Nur Rahmi Nailah

Wikimedia Indonesia

JANGAN MANÉRON MATAN WIKIPIDIA!

جاغن مانيرون متن ويکيقيديا

Panduan singkat gasan Pian
nang baminat lawan insiklupidia
panggalannya di dunia maya

ڦندوان سڀعڪت ڪسن ڦين
نُخ باميٽ لاؤن انسکلوٽيٽيَا
ڦغڪانلن د دنيا ماي

Raymond Sutanto
Nur Rahmi Nailah

Wikimedia Indonesia

Judul:

JANGAN MANÉRON MATAN WIKIPIDIA!
Panduan singkat gasan Pian nang baminat
lawan insiklupidia panggalnnya di dunia maya.

ISBN:

978-623-88155-6-2 (PDF)

Panarbit:

Perkumpulan Wikimedia Indonesia
TCC Batavia Tower One, Lt. 6. Jalan
K.H. Mas Mansyur No. 126, Karet
Tengsin, Tanah Abang, Jakarta
Pusat, DKI Jakarta 10220
surel: info@wikimedia.or.id

Panulis:

Raymond Sutanto
Nur Rahmi Nailah

Panarjamah:

Muhammad Shiblihatullah Mujadidi

Pambabak:

Muhammad Faisal Ansari

Pa'atur Andakan:

Adien Gunarta
Dwi Satria Utama

Panyalur:

Perkumpulan Wikimedia Indonesia
TCC Batavia Tower One, Lt. 6. Jalan
K.H. Mas Mansyur No. 126, Karet
Tengsin, Tanah Abang, Jakarta
Pusat, DKI Jakarta 10220
surel: info@wikimedia.or.id

Lisénsi:


Judul buku ngini adalah "JANGAN MANÉRON MATAN WIKIPIDIA! Panduan singkat gasan Pian nang baminat lawan insiklupidia panggalnnya di dunia maya"

Panulis Raymond Sutanto wan Nur Rahmi Nailah, Wikimedia Indonesia.

Pian dibulihakan mambagiakan buku ngini—manyalin wan manyabarlu-asakan pulang matéri ngini dalam bantuk atawa format apa haja; Adaptasi—manggubah, maubah, wan ma- ulah turunan matan materi ngini ga-san kaparluan apa haja, tamasuk ka-parluan kumérsial.

Nang mambari Lisénsi kawa manca-but katantuan di atas salawas Pian mamatuhi katantuan lisénsi ngini. Lisénsi dibawah Creative Commons CC-BY-SA 4.0

Sabarataan materi nang ada dalam buku ngini baandak di bawah lisénsi Creative Commons Attribution Share-Alike (CC-BY-SA) 4.0. Publikasi ulang buku ngini harus digawi di ba-wah lisensi nang kaya ngini jua.



creativecommons.org/licenses/by-sa/4.0/deed.id

Kata Pangantar

کات ڦغتئر

Tumatan didiriakan ulih Jimmy Wales pas tahun 2001, Wikipidia ma-alami parkambangan nang panting wan bamaju. Cungulnya Wikipidia basa Inggris parhatan tahun 2001, limbah ngintu baimbaian jua dirilis-nya Wikipidia dalam basa-basa nang lain di dunia, tamasuk salah sabu-tingnya adalah Wikipidia basa Indu-nisia parhatan tahun 2003. Didiri-akannya Wikimedia Foundation par-hatan tahun 2003 maulah Wikipidia lawan rangka gawian danganaknya magin bakambang di Indunisia, Wiki-media Indonesia sudah manggawi rangkai gawian nang ditujuakan ga-san mandukung parkambangan la-wan paningkatan mutu Wikipidia, baik matan sisi kontén atawa jumlah sukari-lawan nang manyumbang di dalamnya.

Salah sabuting prugram nang dijalankan ulih Wikimedia Indonesia a-dalah prugram WikiLatih nang sudah ada tumatan tahun 2016. Prugram WikiLatih marupakan palatihan pa-nulisan wan pambahakan Wikipidia. Limbah sudah manjanaki palaksa-naan prugram WikiLatih nang sudah digawi di bamacam dairah, wan ku-laburasi lawan bamacam instansi, urganisasi, atawa komunitas, masih banyak patakunan-patakunan umum saputar Wikipidia nang rancak banar ditakunakan, baik ulih pasarta pala-tihan, atawa mitra nang bakulaburasi

lawan Wikimedia Indonesia. Lain pada ngintu, média sosial Wikimedia Indonesia baik Facebook, Instagram, atawa Twitter rancak jua pasannya hibak wan patakunan-patakunan nang hirip.

Patakunan kaya apa nang maulah Wikimedia lawan Wikipidia balain, bulih kadanya manéron matan Wikipidia, cara manjuhut habar nang bujur matan Wikipidia, apa haja nang bulih ditulis di Wikipidia, wan kayapa cara mangambangkan Wikipidia dalam bahasa dairah marupakan patakunan-patakunan nang rancak bubuhan kami tahagai.

JANGAN MANÉRON MATAN WIKIPI-DIA! Panduan singkat gasan Pian nang baminat lawan insiklupidia pangganal-nya di dunia maya marupakan sabu-ting usaha matan Tim Pandidikan ga-san mambari jawaban ka patakunan-patakunan ngintu tadi.

Tim Pandidikan baharap buku pan-duan singkat ngini kawa sacara prak-tis mambari pangatahuan dasar pasal Wikipidia gasan bubuhan kakawan-an di luar sana nang baminat gasan mu-lai manyumbang di Wikipidia.

Jakarta, 16 Marit 2020
Tim Program Pandidikan
Wikimedia Indonesia

Daptar Isi

- 1 Apa ngintu Wikipidia?
- 3 Apa nang maulah Wikipidia lawan Wikimedia balain?
- 5 Napa Wikipidia diulah?
- 6 Apa tujuan Wikipidia?
- 7 Apakah tabukanya Wikipidia maulah kontén Wikipidia kawa dibabak atawa diubah sacara babarangan?
- 8 Limbah ngintu artikal apa haja nang ada di Wikipidia?
- 9 Napa di Wikipidia kadada iklan?
- 9 Limbah ngintu Wikipidia dapat duit matan mana?
- 10 Bujurkah Wikipidia kada bulih dijadiakan acuan?
- 11 Sabarapa bamagankah Wikipidia?
- 12 Apakah artikal di Wikipidia baisi habar nang bujur?
- 13 Apakah artinya bahan acuan nang dipakai di artikal Wikipidia harus taparcaya?
- 14 Napa limbah anu ulun tadapat habar nang kada bujur di Wikipidia?
- 15 Limbah ngintu kayapa caranya mambabak di Wikipidia?
- 16 Apa haja artikal nang kada bulih ditulis/kada ditarima di Wikipidia?



دقتار ايسى



- Kawakah ulun manuntut lamun tulisan
di Wikipidia ngintu ampun ulun? **17**
- Napa kontén di Wikipidia basa Inggris
wan Indunisia balain? **18**
- Napa ada urang nang hakun mambabak
di Wikipidia padahal kada dapat bayaran? **19**
- Di Indunisia, basa dairah apa haja
nang baisi Wikipidia saurang? **20**
- Napa ada Wikipidia basa dairah?
Kayapa taulahnya?
Wan apa tujuannya? **21**
- Ulun jadi baminat marintis
Wikipidia dalam basa
dairah ulun. Kayapa caranya? **22**
- Ulun handak mulai mambabak di
Wikipidia, tagal ngalih mancari ran-
cangan tupik gasan ditulis. Adakah
pamacahan gasan masalah ngintu? **23**
- Adakah panduan
gasan manulis di Wikipidia? **24**
- Adakah lokakarya pambahakan
di Wikipidia gasan pamula
nang kawa ulun umpati? **25**
- Kawakah kagiatan manulis di
Wikipidia dipakai gasan
pasyaratan naik jabatan? **26**
- Amunnya ulun handak batakun labih jauh,
siapa nang kawa ulun hubungi? **27**
- Komunitas Wikimedia di Indonesia **29**

Apa ngintu Wikipidia? اُف ٿيٽو ويڪيپيديا؟

*“Wikipidia adalah insiklupidia
daring tabuka dalam babagai basa”*

Wikipidia adalah sabuting insiklupidia dalam jaringan (daring) tabuka nang tasadia dalam bamacam basa. Ayuh kita simak pambahasannya sabuting, sabuting.

Panambaian, **insiklupidia**. Apa ngintu insiklupidia? Apa nang mau-lah insiklupidia balain lawan janis bacaan lain nang rajinbubuhan kita baca (kuran, majalah, opini)? Man-rut maknanya, insiklupidia adalah karya acuan nang mambari ringkasan ilmu pangatahuan matan bamacam-macam bidang ilmu. Éntri nang ada di insiklupidia jauh tapanjang pada kamus wan isinya habar faktual kisah subjék nang lagi dipandirakan. Par-hatiakan—di sini ada kata faktual (fakta), nang ba’arti sasuai kanya-taan wan mamarluakan bukti. Gasan mandapatakan sabuting fakta, insiklupidia rajin ditulis ulih urang nang ahli di bidangnya. Di Wikipidia, “ka-ahlian” ngini diambil wan dinyata-akan matan acuan-acuan sakundér, nang kaya panarbit wan panulis nang dianggap hudah lihai.



Limbah ngintu apa nang maulah
Wikipedia balain lawan
insiklupidia biasa?



Wikipedia tasadia dalam jaringan (daring). Sabalum ada Wikipedia pas tahun 2001, bujur hudah ada insiklupidia nang tasadia sacara daring, tagal hanyar babantuk uji cuba wan kada saganal Wikipedia.



Wikipedia basipat tabuka. Wikipedia jadi ganal wayah ngini maraga sipay Wikipedia nang tabuka. Tabuka, dalam artian siapa haja kawa manambah wan maubah isinya (pastinya gasan nang baihi sambungan intérnét).



Wikipedia tasadia dalam bamacam-macam basa. Lain nangkaya insiklupidia lain nang rajin tasadia dalam sabuting basa haja, misalnya basa Indunisia atawa basa Inggris, Wikipedia tasadia dalam bamacam-macam basa dairah, nang kaya basa Nias, Gorontalo, Banjar, Madura, dll.

Sacara umum, Wikipedia baihi 5 prinsip utama (di Wikipedia, kalima hal ngini disambat lawan ngaran panca-pilar) nang wajib diumpati ulih sabarataan vérsi Wikipedia sampai wayah ngini, yaitu:



Marupakan
sabuah insiklupidia



Kawa disunting
ulih siapa haja



Basipat nétral




Baihi kontén nang
balisénsi tabuka haja



Baihi aturan wan
kabijakan nang
disapakati batumbarap

Gasan vérsi purnanya,
Pian kawa mambuka tautan:
bit.ly/pancapilarwiki



Apa nang maulah Wikipidia lawan Wikimedia balain?

اڻ نُغ ماؤله ويڪيڊيا
لاون ويڪيڊيا بالاين؟

*"Wikimedia adalah urganisasi
nang bagarak di balakang Wikipidia"*

Biar ngarannya sama-sama dimulai lawan kata "Wiki", tagal Wikipidia wan Wikimedia baisi arti nang balain. Wikipidia adalah insiklupidianya, wan Wikimedia adalah organisasi nang bagarak di balakang Wikipidia.

Ada 2 macam Wikimedia nang Pian parlu tahu, yaitu Wikimedia Found-

ation wan Wikimedia Indonesia. **Wikimedia Foundation (WMF)** marupakan yayasan nirlaba nang bapusat di Amérika Sarikat nang mandukung wan manjalanakan Wikipidia. Biar kaya ngintu, WMF kada maulah atawa manjaga kontén artikalnya. Lain pada Wikipidia, WMF mandukung jua wan manjalanakan 11



situs lain “dangsanak” Wikipidia nang kaya Wiktionary (kamus), Wikidata (basis data), Wikimedia Commons (barakas), Wikivoyage (panduan wisata) wan sapalihan situs lainnya.

WMF baisi banyak mitra lokal nang tauar di bamacam nagara di dunia, salah sabutingnya di Indunisia. Mitra lokal WMF di Indunisia adalah **Wikimedia Indonesia (WMID)**. WMID didiriakan ulih panyumbang Wikipidia lokal Indunisia parhatan tahun 2008 wan pangalulaannya basipat indepénden matan WMF.

Awas, jangan sampai salah sangka! Kada sabarataan situs “wiki” nang ada di internet ngitu dikalula oleh WMF. Situs nang kaya WikiLeaks, Wikihow, wan WikiDPR lain situs nang dikalula ulih WMF.



Napa Wikipidia diulah? نقا ويكيبيديا داوله؟

“Wikipidia pamulaannya sahibar tambahan gasan Nupedia”



Amun kita itihi sajarah Wikipidia, pamulaannya rangka gawian ngini asalnya tumatan sabuting rangka gawian insiklupidia nang bangaran **Nupedia** pas tahun 2000. Nupedia didiriakan ulih **Jimmy Wales** wan **Larry Sanger** nang wayah ngitu bagawi di parusahaan intérnét nang ngarannya Bomis. Nupedia sorang pas wayah ngitu ditulis ulih ahli haja.

A screenshot of the Nupedia.com homepage. The header features the 'NUPEDIA.COM THE OPEN CONTENT ENCYCLOPEDIA' logo. On the left sidebar, there are links for 'Search Nupedia', 'Read Nupedia By Subject Alphabetically Newest Articles', and a form for receiving articles via e-mail. The main content area has a 'Welcome to Nupedia.com!' message, a paragraph about the open content license, and a call to action 'Join this massive effort!'. The right sidebar contains links for 'Join the Effort!', 'Our Editors and Peer Reviewers', 'Our Writers', and 'Member Area'.

Wales wan Sanger limbah ngintu maulah pulang sabuting situs banganan **Wikipidia** pas tahun **2001**. Rangka gawian Wikipidia pamulaannya sahibar sabagai tatambahan gasan Nupedia. Tagal, lawas kalawasannya, maka Wikipidia nang makin dipindai wan dipatuhi urang. Nupedia sorang paampihannya ditutup pas tahun 2003 maraga parkambangannya nang liwar lambatnya.

Di Indunisia, parkambangan Wikipidia pamulaannya dimulai lawan adanya **Wikipidia bahasa Indonesia** pas tahun **2003** lawan artikal panambaiannya nang bajudul “Elektron”. Satahun dudinya, cungul Wikipidia dalam basa-basa dairah lain nang tarusbakambang sampai wayahini.

Apa tujuan Wikipidia?

اُف توجوان ويکيقيديا؟

*“Imagine a world in which every single person on the planet
is given free access to the sum of all human knowledge.
That’s what we’re doing.”*
- Jimmy Wales



*Bayangkan sabuah dunia
wadah saban manusia
kawa babagi sabarataan
pangatahanan sacara bibas.*

Ya, ngintu pang tujuan Wikipidia. Gasan manyadiaakan bamacam ilmu pangatahanan malalui sabuah insiklupidia daring nang bibas wan tabuka wan kawa diaksés ulih siapa haja, pabila haja, wan di mana haja.



A screenshot of the English Wikipedia homepage. At the top, it shows the title "Main Page" and "Recent changes". Below the header, there's a brief welcome message about the project's mission to provide free knowledge to everyone. A sidebar on the left contains links for "Protected page", "Main Page", "Talk page", and "Recent changes". The footer at the bottom includes sections for "Background on current events", "Philosophy, Mathematics, and Natural Science", and "Social Sciences".

Apakah tabukanya Wikipidia maulah kontén Wikipidia kawa dibabak atawa diubah sacara barang?

اڻاڪه تابوڪن ويڪيڊيا
ماوله ڪونتن ويڪيڊيا ڪاو
و دٻاق اتوا دأوبه ساچارا باڀراڻن؟

*“Wikipidia baisi komunitas ‘panjaga’ nang ‘bajaga’
tarus gasan mambilakkan babakan-babakan
nang kalihatan barang.”*

Sacara téknis, iya ngintu bujur haja. Tapi jangan kada ingat, Wikipidia baisi juu komunitas “panjaga” nang kuat juu.

Panjaga ngini “bajaga” tarus mai-thi laman “paubahan pahanyarnya.” Buhannya pacangan langsung mam-

bulikakan babakan nang kalihatan barang atawa babakannya baisi habar nang kada bujur. Sapalihan pamakai dibari aksés pakakas wan hak khusus—nang kaya blukir wan mangunci artikal—sakira kontén Wikipidia tatap tajaga kualitasnya.



Limbah ngintu artikal apa haja nang ada di Wikipidia?

لیمبه غیتو ارتبیکل اف هاج نغ
اد د ویکیپیدیا؟

“Wikipidia mamuat bamacam-macam ilmu pangatahuan manusia”

Wikipidia mamuat bamacam-macam ilmu pangatahuan manusia, mulai matan tupik-tupik nang sérius nang kaya hukum, ékonomi, filsafat, téknologi, sains, géografi, astronomi sampai tupik-tupik populér nang kaya komik, manga, pélém, musik, wan animé gin tasadia di Wikipidia.

Ngini adalah cuntuh-cuntuh artikal di Wikipidia nang hudah bagus, artinya hudah susuai lawan kritéria kalyakan, sarta aturan panulisan artikal nang baik wan rasuk di Wikipidia.

Pian kawa mamasukakan judul artikal ka kutak pancarian di subalah kanan atas laman Wikipidia.



Tata Surya

garumbung banda langit nang tasusun matan sabuting bintang



Indunisia

salah sabuting nagara nang ada di Asia Tanggara



Ateisma

pandangan filosofi nang kada mamparcayai adanya Tuhan



Banyu

unsur nang panting gasan kahidupan di Bumi.



Arjuna

tokoh protogonis dalam wiracarita Mahabharata



Darma Kasuma

raja nang mamarintah karajaan Kuru

Balum babuat log Pamandiran Sumbangan Ulah akun Babuat log

Baca Lihat sumber Tiringi sajarah Gagai Wikipidia

8

Napa di Wikipidia kadada iklan?

نفا د ويکيقيديا
کادادا اکلان؟



Jimmy Wales, pionir Wikipidia, manyambat bahwa cungulnya iklan ngitu pacangan mancungulakan panyimpangan. Napa? Maraganya nang tukang ulah iklan pasti handak artikalnya di Wikipidia ditulis bagian hal-hal positifnya haja, padahal Wikipidia manjunjung tinggi banar lawan nétralitas, jadi artikal nang ada kada bulih barat sabalah.

Limbah ngintu Wikipidia dapat duit matan mana?

لیمبه ٿینتو ويکيقيديا
دافت د ویت متن مان؟

Saban tahunnya, Wikimedia Foundation mambuka pangumpulan dana di laman proyéknya tamasuk Wikipidia. Pangumpulan dana ngini rajin diadakan satahun sakali. Duit nang didapatkan matan pangumpulan

dana ngini pang nang dipakai ulih Wikimedia Foundation gasan mandukung komunitas Wikipidia di samunyaan dunia, maharagu sérver Wikipidia, lawan operasional kanturnya.

Bujurkah Wikipidia kada bulih dijadiakan acuan?

بوجورکه ویکیپیدیا کادا بولیہ دجادیا کن اچوان؟

Bujur! Artikél di Wikipidia kada bulih dijadiakan sabagai acuan. Limbah Pian mancari habar di Wikipidia, gunaakan acuan nang dipakai di artikal Wikipidia sabagai acuan, wan-



lain artikal Wikipidianya. Jadi, anggap haja Wikipidia sebagai “lawang masuk” gasan mandapatakan acuan nang baik.

Rujukan [babak | babak asal mulanya]

Artikal rujukan [babak | babak asal mulanya]

1. ^ a b "Laboratorium Kebinekaan Bahasa dan Sastra" (dalam bahasa Indonesia). Jalan Anyar Km. 4, Kompleks IPSC, Citeureup, Bogor, Indonesia. Laboratorium Kebinekaan Bahasa dan Sastra, Pusat Pengembangan Strategi dan Diplomasi Kebahasaan, Badan Pengembangan dan Pembinaan Bahasa, Kementerian Pendidikan dan Kebudayaan. 2019. Diakses tanggal 13 Mei 2019.
 2. ^ "Austronesian Basic Vocabulary Database" (dalam bahasa Inggris). The Austronesian Basic Vocabulary Database: From Bioinformatics to Lexomics. Evolutionary Bioinformatics, 4:271-283. Parameter |contribution=akan dihalalkan (hanthuan).

third World Water Forum, Kyoto, Japan, 16th-23rd March 2003

- third World Water Forum, Kyoto, Japan, 10th-23rd March 2003


 - 15. ^ (Bahasa Inggris) Michael Kwan, *Prototype car runs 100 miles on four ounces of water as fuel*, Mobile Magazine Thursday June 1, 2006 6:41 AM PDT ↗
 - 16. ^ (Bahasa Inggris) *Fuel from "Burning Water"*, KeelyNet 01/09/02 ↗
 - 17. ^ (Bahasa Inggris) Hydrogen Technologies ↗
 - 18. ^ Physical Forces Organizing Biomolecules (PDF) ↗
 - 19. ^ Re: What percentage of the human body is composed of water? ↗ Jeffrey Utz, M.D., The MadSci Network
 - 20. ^ (Indonesian) *Healthy Water Lagoon* ↗ Diambil dari versi asli pada tanggal 2012-05-24

Sabarapa bamagankah Wikipidia?

سبراف بامگانکه ويکيپيديا؟

Tahulah Pian lamun Wikipidia basa Indunisia dapat **2 milyar** ilangan satuhun pawakasan? Ngintu artinya dalam sabulan ada ratusan juta kali ilangan, wan hal ngitu tadi jadi tanda bahwa situs ngini dimaganakan ulih masyarakat sebagai wadah mancari habar. Parhatiakan jua, masin panca-

ri Google rancak jua maandak Wikipidia (nang basa Indunisia atawa basa Banjar sama haja) sabagai hasil pancarian paling atas. Cuntuhnya, cuba Pian katik “Hadangan” di Google, kaina kaluar hasil pancariannya nang kaya ngini:



Google

Hindia Belanda

Sekitar 6.460.000 hasil (0,73 detik)

https://id.wikipedia.org/w/index.php?title=Hindia_Belanda&oldid=10000000

Hindia Belanda - Wikipedia bahasa Indonesia, ensiklopedia ...

Hindia Belanda adalah salah satu koloni Eropa yang paling berharga di bawah kekuasaan Imperium Belanda, dan berkontribusi pada keunggulan global Belanda dalam ...

Kategori:Hindia Belanda · Kampanye Hindia Belanda · Imperium Belanda · Batavia

Orang juga bertanya

Mengapa Indonesia disebut sebagai Hindia Belanda?

Apakah yang dimaksud dengan Hindia Belanda?

Hindia Belanda dimana?

Mengapa sering terjadi pergantian Gubernur Jenderal Hindia Belanda pada masa kolonialisme Belanda di Indonesia?

<https://www.indonesia-investments.com/> · ... · Politik ·

Indonesia Sejarah Masa Penjajahan Belanda - Indonesia ...

Indonesia mengalami masa kolonial panjang di bawah pemerintahan Belanda. ... Wikipedia

Hindia Belanda

Hindia Belanda atau Hindia Timur Belanda adalah sebuah daerah pendudukan Belanda yang wilayahnya saat ini dikenal dengan nama Republik Indonesia. Hindia Belanda dibentuk sebagai hasil dari nasionalisasi koloni-koloni Vereenigde Oostindische Compagnie, yang berada di bawah pemerintahan Belanda pada tahun 1800. Wikipedia

Ibu kota: Batavia

Lawan dukungan nang kaya ngini, artinya kasanggupan Wikipidia sabagai acuan habar magin ganal. Salain ngintu, Pian manggani'i jutaan urang di luar sana mandapatakan kualitas habar nang tarang, purna, wan baimbang.

Apakah artikal di Wikipidia baisi habar nang bujur?

اڦاڪه ارتیکل د ويڪيٽيديا
ٻاڳيسي هابر نُج بوجور؟

Saban pambaca Wikipidia harus kritis haratan mambaca atawa mancari habar di Wikipidia. Habar nang tacantum di Wikipidia jangan langsung ditaguk mantah-mantah.

Hal pamulaan nang harus Pian gawi adalah mamparhatiakan apakah di artikal ngintu tahaga bacaan acuan. **Bacaan** atawa **karya acuan** di saban artikal Wikipidia ditandai lawan angka-angka [1], [2], [3] nang kaya ngini:

Mahalabiu

Tumatan Wikipidia basa Banjar, insiklupidia bibas

Mahalabiu merupakan salah satu bantuk sastra lisan [Banjar](#) barupa sambatan nang handap atau kesah nang nang kada tapi panjang, biasanya kada malabih matan 15 kalimat, nang baisi panggayaan atawa teka-teki/tabakan. Mahalabiu biasanya maulah urang bapikir makna konotasi matan kesah tadi. Biar takadang baisi teka-teki, mahalabiu tatap kawa dibida'akan wancucupatan (teka-teki khas Banjar) nang labih tradisiunal/bahari. Bahasa Banjar nang dipakai dalam mahalabiu kada tapi tapangaruh lawan bahasa nang lain atawa [basa Indunisia](#).^{[1][2][3]}

Lamunnya Pian tahaga angka nang kaya ngintu, Pian kalik haja angkanya, wan Pian kaina diarahakan ka karya acuan aslinya nang jadi acuan gasan artikal ngintu. Pian kawa mambaca acuan aslinya gasan mandapatkan habar nang rinci pada nang ada di Wikipidia.

Kadua, limbah hudah tahu acuan aslinya, limbah ngintu itihi, bujurkah bahan acuan asli matan habar ngintu kredibel atawa kada. Parhatiakan juu sabarapa baik "tingkat" bahan acuan ngintu. Bahan acuan matan média sosial, blog pribadi, buku tarbitan saurang, nyata lain bahan acuan nang kawa diparcaya (kredibel).

Apakah artinya bahan acuan nang dipakai di artikal Wikipedia harus taparcaya?

اڻاڪه ارتين باهن اچوان
نُغ دڦاڪاڍي د ارتينکل
ويڪيڊيا هاروس تاڦرچاڍي؟

Nyata ai! Komunitas Wikipidia hudah baisi standar umum bahan acuan nang kaya apa nang layak wan kawa dipakai di Wikipidia. Standar ngini jua hudah disapakati baimbai ulih komunitas wan ada sapalihan tingkat kaparcayaannya:



1. Kawa diparcaya. Jurnal ilmiah, buku tarbitan panarbit taparcaya, majalah/tabloid ilmu pangatahuan, média massa nasiunal, wan tugas akhir nang hudah diuji ahli tamasuk dalam kategorinги.

3. Lamun kawa, kada usah dipakai. Blog, kuran kriminalitas, tabloid gosip, lamun kawa, kada usah dipakai.



2. Kada dianjurakan. Buku tarbitan saurang, sampul kaséti, artikal barang matan situs populér ada baiknya kada dipakai sabagai bahan acuan.

4. Sama sakali kada kawa. Samunyaán vérsi Wikipidia basa lain atawa situs lain nang sistimnya mirip Wikipidia, jangan dipakai sabagai bahan acuan. Hal ngini tapakai jua gasan média sosial wan layanan pasan handap nang kaya Facebook, Twitter, Instagram, wan Whatsapp/Line.

Napa limbah anu ulun tadapat habar nang kada bujur di Wikipidia? نقاش ليمبهانو اولون تاداڻت هابر نُغ کادا بوجور د ويڪيڦي؟


Ngini cuntuh tangkapan layar nang suah dikirimakan salah saikung pamakai Wikipidia matan masin pancari Google, kisahnya salah sabuting bubuhan pamain musik matan Norwegia bangaran Mayhem (nang konténnya dijuhut matan Wikipidia basa Indunisia).

Mayhem
Kelompok musik



Mayhem adalah kelompok musik religi dari slawi yang dibentuk pada 1983. Formasi awal mereka terdiri dari deden dan asep gondrong dan dadan dagul. Nama mereka diambil dari lagu "Mayhem mayhem kok keluyuran" oleh arif rambo. [Wikipedia](#)

Hal nang kaya ngini di Wikipidia dinandui lawan ngaran **vandalisme**, yaitu gawian mambabak artikal tagal tujuannya marakai. Bubuhan 'panjaga' Wikipidia bausaha tarus gasan manjaga artikal-artikal nang ada matan kalakuan vandal nang kaya ngini.



ويڪيڦي
انسيڪلوبديا بيبيس

Tatambaian Pama

جاري

Tungkaran tatambaian
Paubahan pahanyarnya
Garamaan
Tungkaran babaran
Bubuhan
Warung Kupi ←
Lawang bubuhan
Patulung
Pambakal


Mamulai · Ma
You don't spe

Tagal lamunnya Pian manamui artikal nang takana vandal nang kaya ngini, Pian kawa langsung malapura-kannya ka laman 'Warung Kupi' lawan mangkalik 'Warung Kupi' di lajur subalah kiwa tampaian antarmuha Wikipidia.

Limbah ngintu kayapa caranya mambabak di Wikipidia?

لیمبه غینتو کایاڻ چاراڻ
ممباڻق د ويکيڦيديا؟


Lamun Pian haratan mambaca Wikipidia, Pian suahkah malihat tulisan “babak” di subalah kanan atas laman?



Limbah pian kalik “Babak”, kaina tampaian laman Wikipidia pacangan baubah ka modé “babak”, yaitu modé nang Pian kawa manggawi babakan gasan laman ngintu. Pian kawa mai-tihi cuntuh tampaian modé babak di bawah ngini:

A screenshot of a Wikipidia edit page for the article "Sasirangan". The page title is "Sasirangan". Below the title, there is a section titled "Sasirangan" with some text and a photograph of colorful fabrics. At the bottom of the page, there is a toolbar with various editing icons and a large blue button labeled "Terbitkan perubahan..." (Publish changes...).

Pas modé “babak” ngini, Pian kawa manambahi kontén nang kurang, mambaiki nang salah, atawa maha-pus kontén nang babarangan. Jangan kada ingat gasan manambahakan ba-han acuan. Limbah ngintu tinggal ka lik ai lagi “Naikakan paubahan” di subalah kanan atas.



Babakan Pian pacangan langsung disimpan wan batampai!

Apa haja artikal nang kada bulih ditulis/kada ditarima di Wikipidia?

اڻ هاج ارتیکل نُغ کادا بولیه
دتوليس/کادا دتاریما د ويڪيڊيا؟


Wikipidia baisi laman khusus nang bajudul “[Wikipedia:Wikipedia bukanlah](#)”. Sakira Pian kawa ka laman nang dimaksud, Pian kawa mangatik judul ngintu di lajur pancarian Wikipidia. Di laman nang ngini, Pian kawa maitihi hal apa haja nang lain ciri-ciri sabuah insiklupidia. Sapalihan di antaranya nang kaya ngini:



Kamus, maraganya Wikipidia baisi rangka gawian dangsanak nang bangaran Wiktionary.



Kuran/barita aktual, maraganya Wikipidia baisi jua rangka gawian dangsanak nang bangaran Wikinews.



Wadah baiklan, maraganya dasar lain andakannya. Sasuatu harus patuh atawa dipinandui dahulu sabalum masuk Wikipidia, lain dipinandui maraga Wikipidia, pang.



Buku risip, panunjuk ampah, patunjuk wisata, buku palajaran, kumpulan jurnal, tutorial, dsb nang kada manciriakan tulisan insiklupidia.



Pian tinggal mamasukakan “[Wikipedia:Wikipedia bukanlah](#)” di kutak pancarian gasan masuk ka laman ngintu.

Kawakah ulun manuntut lamun tulisan di Wikipidia ngintu ampun ulun?

کاوکه اولون مانوتتوت لمون تولیسن
د ویکیپیدیا غینتو امقون اولون؟

Hal panambaian nang Pian parlu sadari adalah sipat dasar Wikipidia nang kawa dibabak ulih siapa haja. Salawas ada artikal nang Pian mulai ulah, pacangan ada urang lain nang bakamungkinan gasan mangambangkan artikal ngintu. Jadi, sabu-jurnya saban artikal Wikipidia ngintu ampun samunyaan wan kada kawa diakui ampun saurang atawa diklaim siapa haja jua. Alasan nang lainnya adalah sakira artikal di Wikipidia kada sahibar baisi sabuting buncu pandang haja wan kanétralan artikal di Wikipidia kawa tajaga.

Naskah tasadia di bawah Lisenzi Atribusi-BerbagiSerupa Creative Commons; katantuan tambahan mungkin balaku. Itih Katantuan Pamakaian gasan labih jelasnya.

Kaaripan paribadi Pasal Wikipidia Panyangkalan Tampaan HP Pangambah Statistik Panyataan kuki



Lain pada ngintu Wikipidia rancak mamakai lisensi tabuka di saban konténnya. Lisensi tabuka adalah lisensi nang manyamanakan pamakai wan nang ampunnya kontén gasan mambagiakan wan mamakai karyanya. Lisensi tabuka nang dipakai di Wikipidia adalah Lisensi Creative Commons Atribusi-Babagi Sama nang kaya 3.0. Gasan maklumat labih purna masalah lisensi ngini, Pian kawa mailangi situs bubuhannya di:

creativecommons.or.id



Napa kontén di Wikipidia basa Inggris wan Indunisia balain?

نقا کوتن د ويکيڤيديا باس
ایڠگریس وان ايندونیسیا بالاين؟

Kontén nang ada di Wikipidia basa Inggris wan basa Indunisia nyata haja balain, maraganya saban artikal di Wikipidia diulah ulih urang nang balainan jua. Bujur, artikal Wikipidia kawa diulah ulih bot (robot), tagal rajin gasan hal-hal nang tupiknya taulang-ulang kaya pambagian wilayah, taksonomi biologi, atawa pangaranan objék luar angkasa. Gasan tupik artikal nang lain pada ngintu, tatap kawa diulah ulih manusia wan dikambahangkan ulih manusia.

Napa artikal di basa Inggris pambanyaknya pada di basa Indunisia? Hal ngini maraga panyumbang artikal di Wikipidia basa Inggris jauh tabanyak dibandingakan lawan Wikipidia basa Indunisia. Wayahini, di Wikipidia basa Inggris ada sakitar **120.000** pamakai aktif saban bulannya (aktif di sini diartiakan mambabak labih matan 5 kali par bulan), limbah ngintu di basa Indunisia angka ngintu **3000** wara. Matan angka ngintu tadi Pian kawa maitihi salisih nang panting wan panyumbang artikal nang bapangaruh ka banyaknya kontén antara kadua vérsi Wikipidia.



Napa ada urang nang hakun mambabak di Wikipidia padahal kada dapat bayaran?

نقا اد اوْرُغ نُغ حکون ممبايق د ويکيقيديا قدحـال کادا داقت بايرن؟

Mambabak di Wikipidia gasan bubuhan panyumbang artikal ngintu ibarat nang kaya hobi. Hobi manyumbang di bidang-bidang nang bubuhannya katuju. Sapalihan sukarilawan Wikipidia katuju jua babagi habar nang pahanyarnya, misalnya haratan ada kajadian/paristiwa ganal nang dampaknya luas, pasti ada sukarilawan Wikipidia nang langsung maulah artikalnya. Sapalihan pama-kai katuju jua lawan tupik nang khusus banar, nang kaya parkaritaapian. Bubuhan *railfans* (sambatan gasan urang nang katuju parkaritaapian) dipinandui hancap banar amun ada

jadwal karita api nang baubah, ada habar nang tahanyar kisah stasiun, dsb.

Sapalihan panyumbang artikal Wikipidia di dairah manyataakan katuju mambabak maraga harung lawan palastarian basa dairah bubuhannya sorang-sorang . Kada takajut amun wayahini di Indunisa ada Wikipidia dalam **13 basa dairah**, lawan ratusan Wikipidia basa dairah lainnya nang masih dirintis dalam Incubator (salah sabuting rangka gawian-proyék Wiki nang dipakai gasan mangambangan proyék-proyék Wiki nang balum kawa badiri saurang).



Di Indunisia, basa dairah apa haja nang baisi Wikipidia saurang?

د إندونيسيا، باس دايرح اف هاج نغ بايسى ويکيڤيديا ساءوراڠ؟

Salain tasadia dalam basa Indunisia (id.wikipedia.org), Wikipidia tasadia juga dalam 13 basa dairah nang ngini.



Parhatiakan di bagian alamat situs Wikipidia nang dilainakan badasan-akan kode basanya haja, limbah ngintu diumpati lawan “[.wikipedia.org](https://wikipedia.org)”.

* Kabanyaknya pamakai Wikipidia Basa Melayu mamakai basa Melayu nang dipandirakan di Malaysia. Biar nang kaya ngintu, pamakai kawa jua manyumbang lawan basa Melayu nang dipandirakan di Indunisia.

**) Panyumbangnya biasanya Wikipidiawan Timor Leste

Napa ada Wikipidia basa dairah? Kayapa taulahnya? Wan apa tujuannya?

نقا اد ويکيپيديا باس دایرخ؟
کایاف تاولاحن؟ وان اف توجوانش؟

Wikipidia basa dairah di Indunisia sakira nyaman kawa dipahami saba-gai Wikipidia nang mamakai basa-basa nang dituturakan di Indunisia, lain pada basa Indunisia sabagai basa resmi.

Wikipidia basa dairah nang pamulan-cungul adalah **Wikipidia basa Jawa** nang mulai dirintis pas tahun **2004** ulih **Revo Arka Giri Soekatno**. Revo jua nang marintis Wikipidia basa Indunisia pas tahun **2003**. Revo baanggapan lamun pangatahuan saharusnya kada sahibar tasadia dalam basa Indunisia haja, tagal harus tasadia jua dalam

basa-basa dairah lain nang dipandirakan di Indunisia, maraganya pangatahuan adalah hak samunyaan urang.

Rilisnya Wikipidia basa Jawa limbah ngintu manandai parkambangan Wikipidia dalam basa dairah lain, nang kaya basa Nias, Gorontalo, Banjar, wan Madura.

Salain ngintu, bagi bubuhannya nang tugul manyumbang di Wikipidia basa dairah, manulis wan mambabak di Wikipidia basa dairah, ngintu salah satu upaya bubuhannya manjaga basa dairah agar tatap lastari.



ହେଲ୍ଦାଖ ହେଲ୍ଦାଖ
ଆମ୍ବାର୍ଥା କରିବାକରିବା
ଯୋଗୀଙ୍କୁ ପାଇବାକରି
ନିଷାକନ ଶୁତାହାନ୍ତିରାକାରୀ
କେତେବେଳେ କରିବାକରି

Ulun jadi baminat marintis Wikipedia dalam basa dairah ulun. Kayapa caranya?

اولون جادي بامینت مارینتیس
ویکیقیدتا دالم باس دایرخ اولون.
کایاچ چاران؟

Wikimédia baisi sabuting situs proyék nang dikhususakan maurus hal nang kaya ngini, ngarannya Wikimedia Incubator. Sasuai lawan ngarannya, situs ngini manampung proyék-proyék nang istilahnya “balum layak” gasan didiriakan saurang. Di Incubator, proyék-proyék pacangan dimasakakan sampai limbah kaina jadi layak gasan dirilis lawan domainnya saurang. Pian kawa mamasuki situs ngini di incubator.wikimedia.org.

Tagal Pian parlu tahu juu lamun salah sabuting syarat sakira basa dairah Pian kawa diulahakan situs Wikipedia adalah ada baisi kodé ISO 639. Salah sabuting cara gasan mamvalidasi apakah basa dairah Pian baisi kodé ISO 639 atawa kada adalah makai situs ethnologue.com. Masukan ngaran basa ngintu wan itihi hasilnya. Lamun Pian handak marintis Wikipedia di basa dairah Pian tagal

masih bingung gasan mamulainya, Pian kawa mahabari kakawan matan Wikimedia Indonesia nang kontaknya kawa Pian tamui di bagian pawakasan matan buku ngini. Kakawan matan Wikimedia Indonesia kaina pacangan manggani’i Pian gasan maajuakan parmintaan sakira diulahakan Wikipedia dalam basa dairah Pian.



Ulun handak mulai mambabak di Wikipidia, tagal ngalih mancari rancangan tupik gasan ditulis. Adakah pamacahan gasan masalah ngintu?

اولون هندق مولاي ممبابق د ويکيقيديا،
تاکال ٿاليه منچاري رانچعن توفيق گسن
دوليس. ادکه ڦامچاهن گسن مسله ٿيتنتو؟

Pian kawa mulai manulis artikal lawan tupik-tupik nang Pian katujui, tagal Pian harus mamastiakan bahwa artikal nang handak Pian tulis **balum tasadia** di Wikipidia. Lain pada ngintu, parlu diingat jua bahwa manulis artikal di Wikipidia harus lawan bun-

cu pandang nang **nétral**, Jadinya Pian kada dibulihakan amun sahibar manulisakan sisi baik atawa sisi buruknya haja matan subjék nang Pian tulis. Pian parlu jua manulis apa adanya, sasuai lawan habar nang Pian dapatdi di bacaan acuan taparcaya nang Pian jadiakan acuan.



INFO WIKI



WIKIPIDIA BASA BANJAR DALAM ANGKA, 2021

5.738.171

Jumlah ilangan ka Wikipidia basa Banjar satahun pawakasan (April 2020-Marit 2021)

panyumbang aktif di Wikipidia basa Banjar, April 2020-Marit 2021

jumlah babakan di Wikipidia basa Banjar, April 2020-Marit 2021

jumlah laman nang dibabak, Marit 2021

547.483

Jumlah ilangan bulan Marit 2021



84,8% pangaksés mamakai *desktop*



15% lawan paramban ponsél wan sisanya aplikasi ponsél



14% pangaksés asalnya matan India, diumpati Indunisia, Rusia, Amirika Sarikat, wan Uzbékistan

Tata Surya | Catur | Kedatuan Sriwijaya


Artikal tapopulér Marit 2021

Adakah panduan gasan manulis di Wikipidia?

ادکه ڦندوان ڪسن
مانولیس د ويکيقيديا؟

Pian kawa balajar saurang mambabak Wikipidia lawan maumpati patunjuk nang ada di pranala bit.ly/WPTUTOR. Wikimedia Indonesia hudah jua baisi modul palatihan nang purna. Modul ngini kawa Pian masuki kada bayaran, langsung haja kalik situs bit.ly/modulmanual.

Lain pada ngintu, lamun Pian katuju maumpati tutorial atawa panduan dalam bantuk video, Pian kawa manonton video nang hudah diulah ulih Wikimedia Indonesia nang kawa dimasuki di bit.ly/TutorialWikiID.



Adakah lokakarya pambabakan di Wikipidia gasan pamula nang kawa ulun umpati?

ادکه لوکاریا ڦمیابقان
د ويکيٽيديا گسن ڦامولا
نُخ کاو اولون او مقتی؟

Saban bulannya, Wikimedia Indone-sia maadaakan bamacam lokakarya atawa palatihan pambabakan di Wikipidia dalam bamacam basa di bama-cam kuta. Umpati tarus média sosial Wikimedia Indonesia gasan maum-pati acaranya!

Atawa, lamun Pian tagarak maada-akan palatihan saurang di kuta, ko-munitas, atawa instansi Pian, silakan ilangi situs:

pendidikan.wikimedia.or.id

atawa ajuakan langsung malalui surél

pendidikan@wikimedia.or.id



Kawakah kagiatan manulis di Wikipidia dipakai gasan pasyaratan naik jabatan?

کاوکه کاگیاتن مانولیس
د ويکيقيديا دقاکاي گسن
فشارتن ناءيق جابتن؟



Manulis di Wikipidia ngintu kagiatan nang didasari lawan **kasukarilaan** jadinya kada kawa mambari dampak matan sisi matéri tamasuk dalam kanaikan jabatan.

Tagal, manulis di Wikipidia kawa maningkatakan kabisaan nontéknis Pian, nang kaya kabisaan manulis, lawan mancari bahan acuan nang taparcaya, nang pacangan tapakai dalam bamacam kagiatan di bidang pandidikan, nang kaya panyusunan kurikulum, pancarian matéri maajar, lawan panyusunan lapuran.



Panyumbang Paningga Marit 2021
di Wikipidia basa Banjar

Muhammad Ramadhana

367 babakan

Volstand Ezagren Cahyo (WMID)

160 babakan

113 babakan

39 babakan

Muhammad Faisal Ansari

36 babakan

Amunnya ulun handak batakon labih jauh, siapa nang kawa ulun hubungi?

امونش اولون هندق باتكون لابيه جاوه،
سيافا نغ کاو اولون هوبوغي؟

Amun Pian handak ba'anyak batakon kisah program-program Wikimedia Indonesia, Pian kawa mahubungi buhan kami mamakai surel info@wikimedia.or.id atawa surel-surel di bawah ngini:

Surel Panting Wikimedia Indonesia	
Pendidikan	pendidikan@wikimedia.or.id
Komunitas	komunitas@wikimedia.or.id
Kompetisi	kompetisi@wikimedia.or.id
Téknologi	teknologi@wikimedia.or.id
GLAM (Galeri, Perpustakaan, Arsip, dan Museum)	glam@wikimedia.or.id
Hibah	hibah@wikimedia.or.id
Konferénsi	konferensi@wikimedia.or.id



Atribusi اتریبوسی

FON

Montserrat ulih Julieta Ulanovsky | OFL

Merriweather ulih Sorkin Type | OFL

Segoe UI ulih Microsoft

[21] *Ranga* ulih TipTopTyp | OFL • *Leelawadee* (aksara Bugis) ulih Microsoft • *Noto Sans Rejang* (aksara Rejang) ulih Google | OFL • *TG Siloka Sundanese* (aksara Sunda) ulih Tegamitype/Iqbal Firdaus • *Noto Sans Javanese* (aksara Jawa) ulih Google | OFL • *Noto Sans Balinese* (aksara Bali) ulih Google | OFL • *Arabic Typesetting* ulih Microsoft (aksara Arab) • *Noto Sans Batak* (aksara Batak) ulih Google | OFL • *Wijaya* (aksara Kawi) ulih Aditya Bayu Perdana

FOTO

[1] *CEEMeeting2016 Armenia Globe 25* ulih AWang (WMF) | Wikimedia Commons | CC BY-SA 4.0

[3] *Wikimania 2016 - group photo 03* ulih Niccolò Caranti | Wikimedia Commons | CC BY-SA 4.0

[6] • *Old Wikipedia* ulih L337p4wn (pengunggah) | Wikimedia Commons | CC BY-SA 3.0 • *Jimmy Wales 83 1* ulih Chris Floyd | Wikimedia Commons | CC BY-SA 3.0

[7] *Keceriaan WikiNusantara1* ulih Studio Amarana gasan Wikimedia Indonesia | Wikimedia Commons | CC BY 3.0

[8] • *Solar system* ulih NASA | Wikimedia Commons | Domain Publik • *Indonesia on the globe (Southeast Asia centered)* ulih TUBS | Wikimedia Commons | CC BY-SA 3.0 • *AtheismLogo* ulih J.delanoy | Wikimedia Commons | CC BY-SA 3.0 • *Water drop 007* ulih José Manuel Suárez | Wikimedia Commons | CC BY 2.0 • *Arjuna statue* ulih Ilussion | Wikimedia Commons | CC BY 3.0 • *Yudhishtira statue - Birla mandir* ulih आशीष भट्टनागर | Wikimedia Commons | CC0

[9] Foto uang rupiah ulih Eko Anug | Pixabay | Lisensi Pixabay

[10] Foto buku ulih Nick Fewings | Unsplash | Lisensi Unsplash

[19] *WikiLatih Indonesiana; April 2017 03* ulih Indorelawan | Wikimedia Commons | CC BY-SA 4.0

[25] • *Wikilatih Purworejo 1* ulih Hidayah Sunar | Wikimedia Commons | CC BY-SA 4.0 • *WikiLatih Sunda Universitas Pendidikan Indonesia 17-19 September 2018 10* ulih Nadiantara | Wikimedia Commons | CC BY-SA 4.0 • *Sukarelawan pelatih WikiLatih APKS PGRI Kabupaten Jember (Gelombang 1)-3* ulih Ahmad SE | Wikimedia Commons | CC BY-SA 4.0 • *April 29 2018 WikiLatih Indonesiana 2.0 with Indorelawan* ulih Indorelawan | Wikimedia Commons | CC BY-SA 4.0

[26] *WikiPelatih PGRI Sulsel-7* ulih Gunarta | Wikimedia Commons | CC BY-SA 4.0

GRAFIS

[2] *Wikimedia Illustration Header Detail Projekte* ulih Blanca Flores | Wikimedia Commons | CC BY-SA 4.0

[4] *Wikipedia Education Backpack 1* ulih Blanca Flores | Wikimedia Commons | CC BY-SA 4.0

[5] • *Nupedia* ulih Nupedia wan milodesign.com, berkas vektor ulih Habitor terrae | Wikimedia Commons | Domain Publik • *Nupedia, the open content encyclopedia 2000-08-15* ulih nupedia.com | Wikimedia Commons | CC BY-SA 3.0

[17] *Wikimedia Illustration Header Detail Digitales Ehrenamt* ulih Kati Szilágyi gasan Wikimedia Jerman | Wikimedia Commons | CC BY-SA 4.0

[18] *Wikimedia Illustration Header Detail Recherche 2* ulih Kati Szilágyi gasan Wikimedia Jerman | Wikimedia Commons | CC BY-SA 4.0

[21] *Themenfeld Wissensgesellschaft* ulih Kati Szilágyi gasan Wikimedia Jerman | Wikimedia Commons | CC BY-SA 4.0

[22] *Wikipedia Community cartoon - high quality* ulih Giulia Forsythe, digambar ba'asa ulih Asiyeh Ghayour, diunggah ulih Seyyedalith | Wikimedia Commons | CC0

IKON

[2] • *Globe* ulih Eagle Eye | Noun Project | CC BY • *Open Lock* ulih Caio Ranieri | Noun Project | CC BY • *Translation* ulih Mun May Tee | Noun Project | CC BY • *Encyclopedia icon* ulih Atón | Wikimedia Commons | CC BY-SA 4.0 • *Light bulb icon red* ulih Atón | Wikimedia Commons | CC BY-SA 4.0 • *Scale icon green* ulih Atón | Wikimedia Commons | CC BY-SA 4.0 • *Jigsaw piece yellow 01* ulih Atón | Wikimedia Commons | CC BY-SA 4.0 • *Smiley icon orange* ulih Atón | Wikimedia Commons | CC BY-SA 4.0

[16] • *Dictionary* ulih Kantor Tegalsari | Noun Project | CC BY • *Advertisment* ulih Komkrit Noenpoempisut | Noun Project | CC BY • *Newspaper* ulih Fahmi | Noun Project | CC BY • *Writing* ulih andriwidodo | Noun Project | CC BY

[22] • *Phone* ulih Larea | Noun Project | CC BY • *Computer* ulih Phoenix Dungeon | Noun Project | CC BY • *Indonesia* ulih Ivan Colic | Noun Project | CC BY

Komunitas Wikimedia di Indonesia



KOMUNITAS WIKIMEDIA BANDUNG
bandung@wikimedia.or.id



KOMUNITAS WIKIMEDIA BANJAR
banjar@wikimedia.or.id



KOMUNITAS WIKIMEDIA BATAK TOBA
bataktoba@wikimedia.or.id



KOMUNITAS WIKIMEDIA DENPASAR
denpasar@wikimedia.or.id



KOMUNITAS WIKIMEDIA GORONTALO
gorontalo@wikimedia.or.id



KOMUNITAS WIKIMEDIA JAKARTA
jakarta@wikimedia.or.id



KOMUNITAS WIKIMEDIA MADURA
madura@wikimedia.or.id



KOMUNITAS WIKIMEDIA MANDAILING
mandailing@wikimedia.or.id



KOMUNITAS WIKIMEDIA MEDAN
medan@wikimedia.or.id



KOMUNITAS WIKIMEDIA NIAS
nias@wikimedia.or.id



KOMUNITAS WIKIMEDIA PADANG
padang@wikimedia.or.id



KOMUNITAS WIKISOURCE INDONESIA
idwikisource@wikimedia.or.id



KOMUNITAS WIKIMEDIA YOGYAKARTA
yogyakarta@wikimedia.or.id

Proyek-proyek Wikimedia di Indonesia



WIKIPEDIA

Indonesia
id.wikipedia.org

Aceh
ace.wikipedia.org

Bali
ban.wikipedia.org

Banjar
bjn.wikipedia.org

Banyumasan
map-bms.wikipedia.org

Bugis
bug.wikipedia.org

Gorontalo
gor.wikipedia.org

Jawa
jv.wikipedia.org

Madura
mad.wikipedia.org

Melayu
ms.wikipedia.org

Minangkabau
min.wikipedia.org

Nias
nia.wikipedia.org

Sunda
su.wikipedia.org

Tetun
tet.wikipedia.org



WIKTIONARY

Indonesia
id.wiktionary.org

Jawa
jv.wiktionary.org

Melayu
ms.wiktionary.org

Nias
nia.wiktionary.org

Minangkabau
min.wiktionary.org

Sunda
su.wiktionary.org



WIKIBOOKS

Indonesia
id.wikibooks.org

Melayu
ms.wikibooks.org



WIKISOURCE

Indonesia
id.wikisource.org

Bali
ban.wikisource.org

Jawa
jv.wikisource.org



WIKIQUOTE

Indonesia
id.wikiquote.org

Sunda
su.wikiquote.org

Proyek Multibahasa



WIKIMEDIA COMMONS
commons.wikimedia.org



WIKIDATA
wikidata.org



WIKISPESIES
wikispecies.org



WIKIMEDIA INCUBATOR
incubator.wikimedia.org



Simak cerita di balik layar
bagaimana komunitas Wikipedia bekerja
bit.ly/BebaskanPengetahuan



wikimediaid Wikimedia Indonesia
wikimediaid Wikimedia Indonesia
wikimediaid info@wikimedia.or.id
Wikimedia Indonesia wikimedia.or.id

JANGAN MANÉRON MATAN WIKIPIDIA!
*Panduan singkat gasan Pian nang baminat
lawan insiklupidia panggalanly di dunia maya*
marupakan sabuting panduan nang dituju-
akan gasan pambaca nang handak tahu
tabanyak kisah Wikipidia.

Panulis baharap panduan ngini kawa
manjawab patakunan-patakunan nang
rancak ditakunakan pasal Wikipidia, nang
kaya apa sabujurnya Wikipidia ngintu, habar
apa haja nang tasadia dalam Wikipidia, lawan
kayapa caranya mancari wan mamaafaatakan
habar di Wikipidia nang bujur.

Lawan maminandui Wikipidia labih dalam,
panulis baharap kawa manarik minat pam-
baca gasan umpat dalam mambibasakan
pangatahuan baimbaian di Wikipidia.

Vérsi daring panduan ngini kawa Pian baca di:
bit.ly/wmid-janganmaneronmatanwikipedia



TCC Batavia Tower One, Lt. 6
Jalan K.H. Mas Mansyur No. 126
Karet Tengsin, Tanah Abang
Jakarta Pusat, DKI Jakarta 10220
wikimedia.or.id | info@wikimedia.or.id

ISBN 978-623-88155-6-2 (PDF)

